

## Енгил машина раис юмушларини енгиллатади

Хизмат машинаси бўлмаса-да, имтиёзли шартларда енгил автомобиль олишга қулайлик яратилса...

2-с.

## Хориждан қайтганлар ҳозир тадбиркор бўляпти

Маҳаллада бандликни таъминлаш, янги иш ўринлари яратишда тадбиркорлик йўналиши катта аҳамиятга эга.

3-с.

## Энг намунали оила аниқланди

Танловда 1-ўринни Ички ишлар вазирлиги Ахборот хизмати ходими Усмоновлар оиласи қўлга киритди.

6-с.

# Маҳалла

№26 (2164) | 2024 йил 16 май, пайшанба

WWW.UZMAHALLA.UZ

ЎЗБЕКИСТОН МАҲАЛЛАЛАРИ УЮШМАСИНИНГ ИЖТИМОИЙ-СИЁСИЙ, МАЪНАВИЙ-МАЪРИФИЙ ГАЗЕТАСИ

## Бандлик ва миграцияда кўмак яна маҳалладан

### ЖАРАЁН

Президент Шавкат Мирзиёев ҳузурда 10 май куни маҳаллаларда бандликни таъминлаш ва меҳнат миграциясини тарғиблаш ташкил этиш масалалари бўйича йиғилиш ўтказилди. Унда айни йўналишларда амалга оширилаётган ишлар таҳлил қилинди.



“Сайхунобод тажрибаси” асосида биргина апрель ойининг ўзида 365 минг аҳоли бандлиги таъминланди ва тадбиркорликка жалб қилинди

Бандлик ва аҳоли даромадини ошириш — давлат сиёсатининг устувор йўналиши. Шу мақсадда кўплаб иқтисодий-ижтимоий дастурлар амалга оширилмоқда. Янги-янги лойиҳалар ишга тушириляпти. Тадбиркорлик ва ўзини ўзи банд қилишга кенг йўл очилган. Бу ҳақда сўз кетганда, барча ҳудудларда “Сайхунобод тажрибаси” асосида ишлар йўлга қўйилмоқда. Натижада биргина апрель ойининг ўзида 365 минг аҳоли бандлиги таъминланди ва тадбиркорликка жалб қилинди. Банклар ўз миқозларининг муаммоларини ҳал қилиб, 115 минг аҳолига ишли бўлишга кўмаклашди. Маҳаллаларда 70 мингта микро-лойиҳа амалга оширилди, 465 минг гектар томорқа ерларига экин экилди.

Хар бир маҳаллага иқтисодий комплекс ташкилотлари раҳбарлари бириктирилган. Улар у ердаги камбағал оилалар билан манзилли ишлаб, одамларнинг даромадини оширишга кўмаклашмоқда. Бунинг учун арзон кредитлар, субсидия ва имтиёзлар йўналтириляпти. Агросаноат мутахассислари билан бирга, аҳоли томорқаларида сердаромад экинлар экиляпти. Президент йиғилишида ишлар ҳамма жойда ҳам бирдек ташкил қилинмаётганини кўрсатиб ўтди. Масалан, 7 та туман ўрганилганда, 17 та маҳаллада ишлар сустлиги аниқланди. Ёки ишга тушгани айtilган 1 мингдан зиёд хонадондаги микро-лойиҳалар жойида ўрганилганда, 76 таси ёки 7 фоизи ўз тасдиғини топмади. Шу боис сусткашликка йўл қўйгани учун туман даражасидаги 382 нафар масъул ишдан олинган.

Давони 2-саҳифада.

## БУГУНГИ СОНДА:

### Имконияти чекланганлик имкониятларни чекламайди

2024 йилнинг январь-март ойларида 9 452 та маҳаллада 8,3 миллион нафар “Ёшлар баланси” шакллантирилиб, уларнинг қизиқиши, қобилияти ва тақлифи асосида “Ёшлар омбор китоби” ишлаб чиқилди. 8 563 нафар ёшга 34,1 млрд. сўмлик кўмак кўрсатилди.

4-с.

### Фарзандингиз нима билан банд?

...Бу болаларнинг ота-онаси бормикан? Бунақанги ўйинлар инсон руҳияти, онгига салбий таъсир кўрсатиши ҳақида кўп ва ҳўп, бот-бот гапирилаётгани наҳотки бесамар кетяпти? Бола бўш вақтини ва пулини фойдали юмушларга, дейлик, китоб мутолаа қилишга сарфласа, биринчидан, ўзи, ота-онаси, қолаверса, жамиятга кўпроқ нафи тегади-ку!

7-с.

### Сабзи етиштириш кўшимча юмуш, аммо даромади мўл-кўл бўлармиш...

Маҳалла аҳолисининг 90 фоизи деҳқончилик билан шуғулланади. Кўшимча юмуш сифатида шу ишнинг ортидан яхши даромад қилиб келяпти. 610 та хўжаликнинг барчаси томорқасида сабзи етиштиради. Кўпчилик экиндан бир йилда 3 марта ҳосил олади. Бу — бизга отамерос касб. Бир неча асрдан буён аجدодларимиз шу соҳанинг ортидан рўзғор тебратиб келади.

8-с.

Бизни иқтимоий тармоқларда кузатиш!  
@mahalla\_raislari  
@mahalladosh\_1  
@mahalladosh

Газетанинг телеграмдаги «uzmahalla»га ўтиш учун QR-кодни сканерланг!



МАЙ — МАЪНАВИЙ-МАЪРИФИЙ ТАДБИРЛАР ОЙЛИГИ

## 54 та маҳаллада 54 та янги бино

Кўп йиллар давомида ўз биносига эга бўлмаган маҳаллалар барча қулайликларга эга масканларга эга бўлди

Санжар ИСМАТОВ.

Республика маҳаллалар кенгашининг қарори асосида жойларда маънавий-маърифий тадбирлар ўтказилишини давом этяпти.

Ойлик доирасида СУРХОНДАРЁ ВИЛОЯТИДА ўз биносига эга бўлмаган маҳаллаларнинг 54 тасида янги бинолар фойдаланишга топширилди.

Хусусан, Сароисиё туманидаги “Себзор” маҳалласи аҳоли барча қулайликларга эга масканга эга бўлди. Шу ерда вилоятнинг шаҳар ва туманларидаги маҳаллаларнинг янги бинолари очилиши онлайн шаклда ўтказилди. Унда Сурхондарё вилояти ҳокими Улуғбек Қосимов иштирок этди.

Худди шундай, Бойсун туманида кўп йиллар давомида ўз биносига эга бўлмаган маҳаллалардан бири, туман марказидан 65 км. узоқликда жойлашган “Қизилнавр” йиғинига янги бино куриб берилди.

Шу билан бирга, маҳаллада 1,6 км. ички тупроқ йўллар шағалланиб, 4,1 км. йўллар асфальтланди.

Давони 2-саҳифада.

## “Еттилик” билан етадиган марралар кўп

Ўзбекистон маҳаллалари уюшмаси мутасаддиларидан иборат ишчи гуруҳларни вилоятларда бўлиб, “маҳалла еттилиги” фаолиятини ўрганишти, ташкилий-услубий кўмак беряпти

Жараёнда Ишчи гуруҳларнинг асосий эътибори — маҳаллаларда аҳоли муаммоларини ҳал этиш, ёшлар ва ишсиз аёллар бандлигини таъминлаш, оилаларни мустаҳкамлаш, маънавият ва маърифат, оилада ёшлар тарбияси ва шу каби муҳим йўналишларда олиб борилаётган ишлар кўламини ўрганишга қаратилган.

ТОШКЕНТ ВИЛОЯТИДАги ўрганишлар доирасида Ангрэн шаҳридаги “Гулзор” ҳамда “Гўзал” маҳаллалари иш фаолияти билан яқиндан танишилди. “Маҳалла еттилиги” вакиллари билан бирма-бир сўхбат олиб борилиб, уларга ишларни тўғри ва самарали ташкил қилиш юзасидан зарур тавсиялар берилди.

Маҳалла раиси — “еттилик” фаолиятини мувофиқлаштириб турадиган, масъуллар билан ҳамжиҳат-

### УЮШМА КУНДАЛИГИ

ликда иш олиб борадиган жонқуяр инсон. Бир сўз билан айтганда, маҳалла тақдири, ундаги инсонлар ҳаётига бефарқ бўлмаган фидойи. Ўрганишлар чоғида ана шундай ўз касбининг фидойиси бўлган маҳалла раислари билан самимий сўхбат ташкил этилди.

Ишчи гуруҳнинг кейинги манзили — Оҳангарон тумани бўлди. “Нуробод” ҳамда “Эйвалак” маҳаллаларидаги шарт-шароитлар, аҳоли билан ишлашда юририлаётган зарур ҳужжатлар билан танишилди. “Маҳалла еттилиги”га аҳоли билан ишлаш ва муурожаатларни ҳал этишда ишларни самарали ташкил этиш юзасидан керакли маслаҳатлар берилди.



Давони 2-саҳифада.













«ЁР-ЁР» фильми яратилганига 60 йил тўлгани муносабати билан у янги талқинда суратга олинади.



Жорий йилнинг 3 оyi ичида Ўзбекистонга 1,5 МИЛЛИОН НАФАР турист келди. Энг кўп сайёҳ – Тожикистондан келган.



2024 йилда 200 нафар ўзбекистонлик ўқитувчи Франциянинг нуфузли олийгоҳларида СТАЖИРОВКА ўТАЙДИ.

ИМКОНИАТ

МАНЗАРА

# Қадр тошаётган инсонлар

**Ногиронлиги бўлган шахсларнинг бирор касб-хунаран билан бандлиги уларнинг жамиятдаги фаол иштирокини таъминлабгина қолмай, доимий даромад топиш ва муносиб ҳаёт кечириш имкониятини беради.**

**Ш**офиркон туманида яшовчи, давлат гранти асосида Бухоро давлат университетининг музыка йўналишида тахсилни якунлаган Зарнигор Муҳиддинова кўп қорхона ва ташкилотларга иш сўраб борди. Иш излашдан чарчаган қахрамонимиз туман ҳокими қабулида бўлди, «Инсон» ижтимоий хизматлари марказига муурожаат қилди.

## Музыка раҳбари сифатида иш бошлади

Туман ҳокимилиги, масъул ташкилотлар билан ҳамкорликдаги режа асосида умумтаълим мактабига, кейинчалик 11-сон мактабгача таълим ташкилотига музыка раҳбари сифатида ишга жойлаштирилди. Онаси Зубайда опа «Аёллар дафтари»га киритилиб, белгиланган тартибда ёрдам кўрсатилди. Хозирда ипак қурти парваришига жалб қилинган оила ҳалол меҳнат билан даромад топаётганидан хурсанд.



**Зарнигор НАФИДИНОВА,** Ижтимоий ҳимоя миллий агентлиги Бухоро вилояти бошқармаси матбуот котиби.

**Ж**алил Жўраев Когон шаҳри «Мустақиллик» маҳалласида истиқомат қилади. Узи 2-гурух, аёли 1-гурух ногирони. Икки нафар фарзанд бор. Жалил ака оиласи, болаларини таъминлаш, таълим олиши учун тинмай ҳаракат қилади. Ногиронлиги борлигига қарамадан қосибчилик ҳунарини ўрганиб, озми-кўпми даромад топиб келаётган эди. Когон шаҳри «Инсон» ижтимоий хизматлари маркази масъул ходимлари бу оиланинг шароитини ўрганиб, уни шаҳарда фаолият юритаётган

## Ўз касби қорига яраяпти

«New step 2020» қорхонасига ишга жойлаштирилди. У аёллар пойабзалини ишлаб чиқаришга мослашган бўлиб, тайёр маҳсулотлар фақатгина хориж давлатларига экспорт қилинади. Жалил ака пойабзалларнинг тағ қисмини тайёрлаб, тикув машинасида ишлов берапти. Узи севган ва билган машғулотидан ортидан доимий даромад олапти. Шароити аввалгидан анча яхшиланган. Ҳамкасбларидан соҳанинг сир-асрорларини пухта эгаллашга ҳаракат қилапти.



**И**нсон борки, ҳаётдан завқ олишни, атрофдагиларга кераклигини ҳис қилиб, ўз устида ишлашни, сеvimли машғулот билан шуғулланишни истади. Бирок атрофимизда шундай одамлар борки, бу борада уларга алоҳида эътибор, кўмак зарур.

## Алоҳида эътибор, кўмак зарур

пишириб беришни яхши кўради. Туман «Инсон» ижтимоий хизматлари маркази ходимлари Нафиса опанинг уйига борганда биринчи навбатда, уни тушқунликдан олиб чиқиб, одамлар орасига қўйишга ҳаракат қилишди. Бунинг учун туманда фаолият юритаётган «Нақшбанд хунардонлар» масъулияти чекланган жамияти раҳбари Инобат Жалилова бу фуқарога устоз сифатида бириктирилди. Хозирда Нафиса опа уйда тикиш-бичиш сирларини анча ўрганиб қолди. Соҳага қизиқиши жуда баланд. Келгусида фаолиятини шу қорхонада давом эттиришни мақсад қилган. Бунинг учун астойдил ҳаракат қилапти.



**В**обкент тумани «Шифокор» маҳалласида яшовчи ногиронлиги бўлган Гулбаҳор ИБодуллаева олий таълимдаги тахсилни якунлагандан сўнг, иш сўраб бормаган қорхона ва ташкилотни қолмади. Ёш, ишлашга иштиёқи баланд Гулбаҳор туман «Инсон» ижтимоий хизматлари марказига муурожаат қилгач, муаммоси ижобий ечим топди. Марказ раҳбарининг олиб борган саъй-ҳаракатлари изси кетмади. Гулбаҳор яқиндагина туман Фавқулодда вазиятлар бўлимига ишга қабул қилинди. – *Ўзим 2-гурух ногирониман, – дейди Гулбаҳор ИБДУЛЛАЕВА. – Ишлаш, оиламга*

## Менинг ҳам ҳиссам борлиги жуда қувончли

даромад олиб кириш, қолаверса, жамият ҳаётини фаол иштирок этишни хоҳлайман. Иш жойимда бошқаларга ҳам фойда тегяпти. Қийин вазиятда қолган, зудлик билан ёрдам берилиши керак бўлган хонандонларга кўмак гуруҳининг боришида, офатнинг ўз вақтида бартараф этилишида менинг ҳиссам борлиги жуда қувончли. Мен каби ёшларга, умид билан муурожаат қилганларга самимий муомала, кўрсатилаётган беминнат ёрдам учун марказ ходимларидан миннатдорман. Оператор лавозимида иш олиб бораётган қахрамонимиз айнаи дамда малакали ходимлардан иш фаолиятини чуқурроқ ўрганапти.



**М**иржалол Мухаммадов айнаи дамда Ғижувон тумани «Инсон» ижтимоий хизматлари марказида ижтимоий хизматларни ташкиллаштириш бўйича мутахассис лавозимида фаолият олиб борапти. У 2 ёшлигида йиқилиб, бош миядан қаттиқ жароҳат олган. 2005 йилда оёқнинг сон қисмида жарроҳлик амалиёти ўтказилган. Шунга қарамай, унда интилиш, ҳаракат, ўз устида ишлашга хоҳиш жуда кучли. 2018 йилда Бухоро давлат университетига грант асосида ўқишга қабул қилинган Миржалол, 2022 йилда тахсилни намунали тала-

## Масъулиятли лавозимда иш бошлади

балар сафида тамомлади. Мутахассислиги бўйича қорхона ва ташкилотларга иш излаб бориб, кўп ҳолларда рад этилди. Кейинчалик умумтаълим мактабига оз дарс соатлари билан ишга қабул қилинди. Туманда «Инсон» ижтимоий хизматлари маркази ўз фаолиятини бошлагач, аҳоли билан ишлашга иштиёқи баланд Миржалол юзлаб номзодлар орасидан синовларни муваффақиятли топшириб, масъулиятли лавозимда иш бошлади. Хозирда касби орқали ижтимоий ҳимояга муҳтож аҳоли қатламига беминнат ёрдам бериб келмоқда.



## ҚОНУНЧИЛИКДАГИ ЯНГИЛИК



# Тазйиқ ва зўравонликка учраганларга 3 босқичда хизмат кўрсатилади

«Тазйиқ ва зўравонликдан жабрланган шахсларга ижтимоий хизматлар кўрсатишни такомиллаштириш бўйича қўшимча чора-тадбирлар тўғрисида»ги Президент қарори қабул қилинди.

Тазйиқ ва зўравонликка учраган шахсларга ижтимоий хизматлар кўрсатишнинг куйидаги 3 босқичли янги тизими жорий этилади:

- «Маҳалла» даражасида – «Инсон» ижтимоий хизматлари маркази ижтимоий ходими, профилактика инспектори ва хотин-қизлар фаоли томонидан тазйиқ ҳолати ўрганилади ва доимий кузатиб борилади;
- «Туман» даражасида – «Инсон» марказларида

химоя ордери талаб қилмасдан психологик, ҳуқуқий ва бошқа турдаги ижтимоий хизматлар кўрсатилади; Шифохоналарнинг шошилич бўлимида (2-3 та койкали туну-кун ишлайдиган) бирламчи кўмак хоналари ташкил этилади ҳамда аёллар ва уларнинг болалари 3 сутка давомида бирламчи руҳий-психотерапевтик ёрдам учун профилактика инспектори ёки ижтимоий ходим хулосаси асосида жойлаштирилади.

Бирламчи кўмак хоналари Жиззах, Навоий ва Хоразм вилоятларида – 2024-йил 1-июндан, қолган ҳудудларда – 1 октябрдан ташкил этилади; ■ «Вилоят» даражасида – реабилитация марказларида ариза талаб этмаган ҳолда ижтимоий хизматлар кўрсатиш шартномасига мувофиқ 6 ойгача бошпана ва чуқур реабилитация қилиш учун психологик (мустақил ва эркин фикрлаш) ва ҳуқуқий (алимент, нафақа

ва бошқа кафолатланган ҳуқуқлардан фойдаланишни кўрсатилади) хизматлар кўрсатилади. Бундан ташқари, аёлларнинг ижтимоий-иқтисодий мустақиллигини таъминлаш мақсадида уларни турли хил касб-хунарга ўргатиш хизмати йўлга қўйилади.

**Фазлиддин ХИДИРОВ,** Фуқаролик ишлари бўйича Қўмқўрғон туманлараро суди раиси.

